

四庫全書

史部

欽定四庫全書

史部

福建通志卷五

詳校官嚴憲御史_臣陳化龍

檢討_臣德生覆勘

總校官檢討_臣何思鈞

校對官主事_臣陳文樞

謄錄監生_臣汪名達

欽定四庫全書

福建通志卷五

疆域

周禮保章氏以星土辨九州封域故職方所載有
掌疆司險之吏同佐夏官此疆域所由昉也閩地
四千里控豫引粵互為唇齒福泉四郡襟帶大海
長溪汀邵綿亘崇岡建劍則溪灘環抱為兩浙之
鎖鑰其間區分障扼繡錯綺分可謂備矣無事則

奠安井疆祇仰聲教即有不虞亦據險傲備形勝
自完豈非地遠勢踈為中原戎馬不爭之地而溪
山阻深實足以備寇攘而保鄉邑歟我

皇上天下一家守在四夷罷戢息燧曾何彼疆此界之
殊而閩地天末海山形勢屢煩

廟算經畫周詳夫無外者德化之同無患者衣衽之戒
用是備徵險阨詳志版疆以正封域以固封守君
國子民之道盡在是矣其在易曰王公設險書曰

申畫郊圻此物此志也志疆域

福建布政使司在天下東南距京師六千一百三十
二里東抵海西抵江西界南抵廣東界北抵浙江界
東西廣九百二十五里南北袤一千七百一十三里
福州府在布政司治所東抵大海岸一百九十里西抵
延平府南平縣界二百五十里南抵興化府莆田縣
界二百三十里北抵建寧府政和縣界四百里東北
抵福寧府界二百一十里東西廣四百四十里南北

袤四百四十五里閩縣

附郭東抵連江縣界西與侯官縣接壤南抵福清縣界北

與侯官縣接壤東南抵長樂縣界西抵閩清縣界南與閩縣接壤北抵古田縣界西南抵永福縣界東西廣一百八十六里南北袤三百里

府東南一百二十里為長樂縣

東抵海灣西抵閩縣界南抵福清縣界北

抵海東西廣一百二十里南北袤六十五里府東南一百二十里為福清

縣東抵海西抵莆田縣界南抵海北抵長樂縣界西抵閩縣界東西廣一百二十里南北袤一百四

十五里府東北一百里為連江縣

東抵海西抵侯官縣界南抵閩縣界北抵

羅源縣界東西廣九十五里府東北一百五十里為羅

源縣

東抵寧德縣界西抵連江縣界南抵連江縣界北抵古田縣界東南抵海東北抵永福縣界西

北抵侯官縣界東西廣七十里南北袤九十五里

府北二百八十里為古田

縣

東抵侯官縣界西抵建安縣界南抵閩清縣界北抵屏南縣界東南抵侯官縣界東北抵屏南縣界西抵屏南縣界西南抵南平嶺峽界東

西廣二百八十里南北袤二百五十里

雍正十二

年割古田縣雙溪地方二十都至三十四都增設一

縣為屏南縣

東抵寧德縣界西抵建安縣界南抵古田縣界北抵政和縣界東西廣二百五

十里南北袤一百四十里

府西北一百二十里為閩清縣

東抵侯官縣界

西抵尤溪縣界南抵永福縣界北抵古田縣界東西廣八十五里南北袤一百二十里

府西南

一百二十里為永福縣

東抵侯官縣界西抵尤溪縣界南抵莆田縣界北抵閩清

縣界東南抵仙遊縣界西南抵德化縣界東西廣一百二十五里南北袤一百一十五里

興化府在布政司西南二百七十里東抵海九十七里

西抵福州府永福縣界一百四十里南抵泉州府惠

安縣六十七里北至福州府福清縣界四十五里西

南抵永春州界一百二十里東西廣二百一十五里

南北袤一百四十五里莆田縣

附郭東抵海西抵仙遊縣界南抵仙遊縣

界北抵福清縣界東西廣一百三十里南北袤一百一十里

府西七十里為仙遊

縣

東抵莆田縣界西抵永福縣界南抵惠安縣界北抵莆田縣界西南抵永春州界東西廣八十里南

北袤一百五十里

泉州府在布政司西南四百一十里東抵海一百三十

里西抵漳州府長泰縣界一百五十里南抵海一百

三里北抵興化府仙遊縣界一百四十里西南抵漳

州府龍溪縣界一百四十里西北抵延平府尤溪縣

界二百里東西廣二百八十里南北袤三百八十四

里晉江縣

附郭東抵惠安縣界西抵南安縣界南抵海北抵仙遊縣界東西廣二十七里南北

表二百六十里 府西十五里為南安縣 東抵晉江縣界西抵安溪縣界南抵同安

縣界北抵永春州界東西廣七十三里南北袤一百七十里 府東北五十里為惠

安縣 東抵海西抵晉江縣界南抵海北抵仙遊 府西

南一百三十里為同安縣 東抵南安縣界西抵龍溪縣界南抵大海黃牛灣北

抵安溪縣界西北抵長泰縣界東西廣一百一十五里 府西一百五

里為安溪縣 東抵南安縣界西抵同安縣界南抵南安縣界北抵永春州界西北抵漳平縣

界東西廣八十五里南北袤一百九十里

漳州府在布政司西南六百八十里東抵泉州府同安

縣界一百九十里西抵汀州府長汀縣界七百里南

抵廣東潮州府饒平縣界五百一十里北抵延平府

尤溪縣界六百里東西廣四百一十里南北袤六百

五十里龍溪縣

附郭東抵同安縣界西抵南靖縣界南抵漳浦縣界北抵長泰縣界東南

抵海澄縣界東西廣一百一十里南北袤六十里

府南一百二十里為漳浦

縣

東抵海澄荷部界西抵平和五寨界南抵詔安八尺門界北抵馬口橋與海澄交界東西廣一百五

十里南北袤一百八十里

府東南五十里為海澄縣

東抵海門西抵石碼橋南

抵漳浦馬口橋界北抵同安縣界東西廣一百五里南北袤七十里

府西北四十里為

南靖縣

東抵龍溪縣界西抵龍巖州界南抵漳浦縣界北抵漳平縣界東西廣二百四十里南北

袤二百八十里

府東四十里為長泰縣

東抵同安縣界西抵龍溪縣界南抵龍溪

縣界北抵安溪縣界東西廣七十里南北袤九十五里

府西南二百五里為平

和縣

東抵南靖縣界西抵廣東潮州府饒平縣界南抵漳浦縣界北抵永定縣界東西廣三百二十

里南北袤三百四十五里

府南二百里為詔安縣

東抵漳浦縣界西抵廣東潮州

府饒平縣界南抵海北抵平和縣界東西廣一百十六里南北袤一百八十四里

延平府在布政司西三百六十里東抵建寧府建安縣

界五十里西抵汀州府清流縣界二百二十五里南

抵福州府古田縣界一百二十里北抵邵武府邵武

縣界一百八十里西南抵永春州德化縣界三百九

十里東北抵建寧府甌寧縣界一百三十里西北抵

汀州府歸化縣界二百六十里東西廣三百七十五

里南北袤三百里南平縣

附郭東抵建安縣界西抵順昌縣界南抵尤溪縣界

北抵甌寧縣界東南抵古田縣界西南抵永安縣界
界東西廣一百四十五里南北袤一百八十里

府

西一百二十里為順昌縣

東抵南平縣界西抵將樂縣界南抵沙縣界北抵甌

寧縣界西北抵邵武縣界東

府西二百二十里為將

樂縣

東抵順昌縣界西抵歸化縣界南抵沙縣界北抵印武縣界東西廣一百五十五里南北袤一

百六十里

府西一百二十里為沙縣

東抵南平縣界西抵永安縣界南抵尤溪

縣界北抵順昌縣界西北抵將樂縣界東西廣一百七十里南北袤一百四十里

府南一百

五十里為尤溪縣

東抵南平縣界西抵大田縣界南抵德化縣界北抵沙縣界東南抵

閩清縣界東西廣二百二十里南北袤一百四十里

府西南二百里為永安縣

東抵尤溪縣界西抵連城縣界南抵大田縣界北抵沙縣界西南抵寧洋縣界西北抵清流縣界東西廣

一百八十里南北袤二百里

建寧府在布政司西北四百八十里東抵福寧府福安

縣界三百三十六里西抵邵武府邵武縣界一百五
十五里南抵延平府南平縣界八十里北抵浙江衢
州府江山縣界三百五十里東南抵福州府古田縣
界二百五十里西南抵延平府順昌縣界一百一十
五里東北至浙江處州府龍泉縣界二百二十五里
西北至江西廣信府鉛山縣界三百四十五里東西
廣四百五十里南北袤四百里建安縣

附郭東抵政和縣界西與

甌寧縣接壤南抵南平縣界北與甌寧縣接壤東南
抵古田縣界東北抵松溪縣界東西廣一百一里南

北袤八
十一里
甌寧縣

附郭東與建安縣接壤西抵建陽縣界南與建安縣接壤北抵浦城縣界

西南抵順昌縣界東北抵松溪縣界東西
廣一百八十一里南北袤一百八十一里
府東一百

二十里為建陽縣

東抵甌寧縣界西抵邵武縣界南抵順昌縣界東北抵浦城縣界東西

廣一百三十五里南北袤七十五里
府西北二百四

十里為崇安縣

東抵浦城縣界西抵江西廣信府鉛山縣界南抵建陽縣界北抵廣信府

上饒縣界東西廣一百四十里
府東北二百七十里為浦

城縣

東抵浙江處州府龍泉縣界西抵崇安縣界南抵甌寧縣界北抵江西廣信府永豐縣界東南

抵松溪縣界西南抵建陽縣界東北抵浙江衢州府江山縣界東西廣一百八十里南北袤一百四十里

府東一百六十里為松溪縣

東抵浙江處州府慶元縣界西抵政和縣界南

抵政和縣界北抵浦城縣界西南抵建安縣界東西廣九十里南北袤七十里

府東二百四

十里為政和縣

東抵壽寧縣界西抵建安縣界南抵古田縣界北抵松溪縣界東南抵寧

德縣界東北抵浙江處州府慶元縣界東西廣一百五十里南北袤一百三十里

邵武府在布政司西北六百七十里東抵延平府順昌

縣界一百二十里西抵江西建昌府新城縣界一百

六十里南抵汀州府寧化縣界三百四十里北抵江

西廣信府鉛山縣界三百里東南抵延平府將樂縣

界一百四十里東北抵建寧府建陽縣界六十里東

西廣四百六十里南北袤六百四十里邵武縣

附郭東抵

順昌縣界西抵光澤縣界南抵泰寧縣界北抵建陽縣界東西廣二百六十里南北袤二百里

府西

八十里為光澤縣

東抵邵武縣界西抵江西建昌府新城縣界南抵邵武縣界北抵江

西廣信府鉛山縣界東西廣九十五里南北袤二百二十五里

府西南二百二十里

為建寧縣

東抵泰寧縣界西抵江西建昌府廣昌縣界南抵寧化縣界北抵江西建昌府南豐

縣界東西廣一百里南北袤一百三十里

府西南一百四十里為泰寧縣

東抵邵武縣界西抵建寧縣界南抵歸化縣界北抵邵武縣界東西廣一百一十里南北袤一百里

汀州府在布政司西南一千六十里東抵延平府永安
縣界七百里西抵江西贛州府瑞金縣界四百一十
里南抵廣東潮州府程鄉縣界六百六十五里北抵
江西建昌府廣昌縣界五百四十里東南至龍巖州
界六百三十五里東北至邵武府泰寧縣界六百三
十里東西廣七百里南北袤三百里長汀縣附郭東
抵寧化
縣界西抵江西贛州府瑞金縣界南抵上杭縣界北
抵瑞金縣界東南抵連城縣界西南抵武平縣界東
西廣一百四十里南
北袤二百一十里
府東北一百八十里為寧化縣

東抵清流縣界西抵江西贛州府石城縣界南抵長汀縣界北抵建寧縣界東北抵泰寧縣界西北抵江

西建昌府南豐縣界東西廣一百里南北袤二百里府東北二百一十里為清

流縣東抵永安縣界西抵寧化縣界南抵連城縣界北抵歸化縣界東西廣一百三十五里南北袤

一百五十里府東北二百八十里為歸化縣東抵將樂縣界西抵清流

縣界南抵永安縣界北抵寧化縣界東南抵沙縣界東西廣五十五里南北袤一百六十里府東

南一百七十里為連城縣東抵永安縣界西抵長汀縣界南抵上杭縣界北抵

長汀縣界東北抵清流縣界東西廣一百一十五里南北袤一百三十里府南二百四十

里為上杭縣東抵龍巖州界西抵武平縣界南抵廣東潮州府大埔縣界北抵長汀縣界西

南抵廣東潮州府程鄉縣界東西廣一府西南二百二十五里南北袤二百三十五里

一十里為武平縣

東抵上杭縣界西抵江西贛州府安遠縣界南抵廣東潮州府程鄉

縣界北抵長汀縣界東南抵廣東潮州府海陽縣界西南抵江西贛州府會昌縣界東西廣一百九十里

南北袤二百四十里

府南三百一十里為永定縣

東抵南靖縣界西抵上杭

縣界南抵廣東潮州府饒平縣界北抵上杭縣界東北抵龍巖州界東西廣二百七十里南北袤一百八

十里

福寧府原係福寧州在布政司東北五百四十五里東

抵海二百里西抵本府福安縣界四十里南抵海一

百里北抵浙江温州府泰順縣界一百七十里西南抵

福州府羅源縣海洋一百六十里東北抵浙江温州

府平陽縣界二百里東西廣一百四十里南北袤二

百七十里雍正十二年陞為福寧府增設附郭一縣

名曰霞浦縣割建寧府之壽寧縣隸焉併原轄福安

寧德二縣共隸縣四霞浦縣

附郭東抵海西抵福安縣界南抵海一百里北

抵浙江泰順縣界東西廣一百四十里南北袤二百七十里

府西北二百里為福

安縣

東抵霞浦縣界西抵政和縣界南抵寧德縣界北抵浙江温州府泰順縣界東西廣一百五十

里南北袤
三百里

府西南二百二十二里為寧德縣

東抵霞浦縣界

西抵古田縣界南抵羅源縣界北抵政和縣界東西廣一百九十里南北袤一百九十里

府西二

百七十里為壽寧縣

東抵福安縣界西抵浙江温州府泰順縣界南抵政和縣界北

抵浙江處州府景寧縣界東西廣一百九十里南北袤二百三十里

臺灣府在布政司東南水程一十一更外五百四十里

東抵咬狗溪大脚山五十里西抵澎湖大洋水程四

更南抵沙馬磯頭五百三十里北抵雞籠城二千三

百一十五里東西廣除水程四更外五十里南北袤

二千八百四十五里臺灣縣

附郭東抵保大東山麓西抵鹿耳門南抵鳳山

縣界北抵諸羅縣界東西廣除水程四更外四十五里南北袤三十六里

府南八十里為

鳳山縣

東抵淡水溪西抵打鼓仔溪南抵沙馬磯頭北抵臺灣縣界東西廣三十五里南北袤二

百七十五里

府北一百一十七里為諸羅縣

東抵大武壠山西抵海南

抵臺灣縣界北抵彰化縣界東西廣五十一里南北袤二百五里

府北三百九十七

里為彰化縣

東抵南北投大山西抵鹿仔港海邊南抵諸羅縣界北抵雞籠城東西廣四十

里南北袤七
百七十里

永春州原係泉州府屬永春縣在布政司西南四百一

十里東抵南安縣界西抵漳平縣界南抵南安縣界
北抵德化縣界東北抵仙遊縣界西南抵安溪縣界
東西廣一百九十里南北袤四十五里雍正十二年

陞為直隸永春州以泉州府屬之德化縣暨延平府

屬之大田縣隸焉州西北三十里為德化縣

東抵仙遊縣界

西抵大田縣界南抵本州界北抵尤溪縣界東北
抵永福縣界東西廣二百里南北袤一百四十里

西南一百一十里為大田縣

東抵尤溪縣界西抵漳平縣界南抵德化縣界

北抵沙縣界西北抵永安縣界東西廣
三百四十四里南北袤一百二十里

龍巖州原係漳州府屬龍巖縣在布政司西南九百九
十里東抵漳平縣界西抵長汀縣界南抵南靖縣界
北抵尤溪縣界東北抵寧洋縣界西南抵永定縣界
東西廣一百三十里南北袤二百四十里雍正十二
年陞為直隸龍巖州以漳州府屬之漳平寧洋二縣

隸焉州東七十里為漳平縣

東抵安溪縣界西抵本
州界南抵南靖縣界北

抵永安縣界東西廣一百二
十里南北袤一百三十里

州西七十里為寧洋縣

東抵大田縣界西抵本州界南抵漳平縣界北抵永
安縣界西北抵連城縣界東西廣一百二十里南北

表一百

六十里

形勝附

福建布政使司閩越地肥衍

唐韓愈文

憑山負海

唐杜佑通典

水

清山秀為東南之尤

唐黃璞閩中名士錄序

東南際海西北多

峻嶺抵江

宋史地理志

南望交廣北睨淮浙

三山志

水陸之

險

宋曾鞏道山亭記

連山絡其精神巨海敞其眉目

元程鉅夫送郭

序
元坦

福州府東帶滄溟百川叢會

舊記

吻海派江

唐沈亞之集

東南

都會

宋蔡襄學記

長江在其南大海在其東

宋曾鞏道山亭記

連

山距海邊徼重地

元王惲奏疏

地氣磅礴物產蕃阜

元貢師泰

重修福州路志

閩縣

附郭侯官縣

附郭

長樂縣

首石一山高出霄漢六平五馬旋繞絡繹

福清

縣

東薄大江西連巨麓雙旗五馬距其陽鷺峰金翅敵其陰

連江縣

東連滄海西挹重城閩嶠

居南羅川護北

羅源縣

四明角拱三台臂揖

古田縣

文筆特立乎其東五華盤礴乎其西

屏南縣

北萃翠屏南案仙亭

閩清縣

大江環左屏山聳前鳳凰南翔朱頂西舞

永福

縣

旌山聳翠紫蓋凌空孤矢森列磨笄環抱

興化府山川人物獨甲他郡

九域志

介泉福之間海道舟

車所會

宋游驛通判廳壁記

山川之秀甲於閩中

本志

帶山附海

宋顏若愚贖學田記

仙境峭壺公之碧前映樓臺清流奔玉澗

之泉石縈城郭

宋陳仁璧興化軍廳壁記

環城千里並海一隅

方隅

勝覽

莆田縣

附郭仙遊縣

西接蜚山東列石鼓北枕瀑布南帶仙溪

泉州府川達溟渤山望蒼梧

杜氏通典

表以紫帽龍首之峯

帶以金雞石筍之阻

閩書

魚鹽滋其壤材木蔚其區戶

口蕃屏垣輦

輿圖記

晉江縣

附郭

南安縣

九日姜相拱於右
佛跡靈秀盤於左

惠安縣

東南瀕海西北

依山螺峯峙
後丈峯聳前

同安縣

東南海島獻奇
西北峯巒擁秀

安溪縣

三峯王峙一水

環迴

漳州府閩嶺輿區

輿地紀勝

境曠窮山外城標漲海頭

唐張登詩

東南際海

宋史地志

控引番禺衿喉嶺表

本志

天寶紫芝奠

於後丹霞名第拱於前鶴峯踞其左圓山聳其右

同上

面臨大溪背負千峯

宋趙崇祥
津南樓記

一水清流列峯秀出

宋進士
題名記
兩山擁翼二水襟帶
宋陳淳北溪集

龍溪縣

附郭漳浦縣

前屏梁山旁環鹿水勢若蛟龍之趨瀚海形如祥鳳之下平原海

澄縣

鹿石槐浦行過峽而迤邐龍頭虎甲折西方而交會

南靖縣

山水盤旋土地平衍雙溪

環前大帽峙後長泰縣

良岡行脉於後登科獻秀於前昌山左踞西峯右峙平和縣

樓臺九嶺屏障鷺髻左冠獅巖右跗

詔安縣

地極七閩境連百粵朝丹夕霞潮吐汐吞

延平府負山阻水為七閩咽喉
本志劍溪環左樵川帶右

宋余良弼雙溪樓記

山川清明偉麗為東南最

宋楊時修造記

崇山峻

嶺為郭郭驚湍激流為溝池

楊時資聖院記

枕寒泉倚青嶂

宋黃裳遊山記

重巒複隴蜿蜒城郭之中官舍民廬映發溪

山之會

閩書

南平縣

附郭

順昌縣

旁角特立五馬環屏

將樂縣

巖岫磊砢溪流清泚

沙縣

巖壑迴旋溪流澄湛

尤溪縣

龍臺牛嶺聳其勢玉溪金鰲港其泉

永安縣

巉巖峭壁驚駭

目游

建寧府碧水丹山

梁江淹集

東閩劇地

唐權德輿序

保界閩越綿

地八百

宋楊億集

東南勝地居閩上游為江浙之要衝福

唐之喉衿

舊記

襟山東水

宋盛均序

溪行石中

宋韓元吉記

建安縣

附郭

甌寧縣

附郭

建陽縣

睡龍驚馬東南迴護卧牛踞虎左右相持

崇

安縣

羣峯環拱二水合抱三髻銅鉢為輔弼盧峯雲谷為門戶

浦城縣

地盡上游界連東浙

大溪環繞叠嶂叢

松溪縣

港盧南峙蹲獅北踞七峯左聳虹亭右列

政和縣

大奇聳左

望浙列右南則文筆効奇北則黃熊獻秀

邵武府居四州之上游

本志

其土夷曠其勢蜿蜒

同甌閩

西戶

宋胡寅軍治記

前據重岡後帶鹿水

同上

杉關鐵牛控其

西石岐水口扼其東梅口西安阻其南金山珠寮障

其北

舊記

千山重圍一水中流

宋戴式之詩

左劍右盱枕汀

欽定四庫全書

石鐘山志
卷五

帶建

元魏天祐
總管府記

邵武縣

附郭光澤縣

雲巖南聳九峯北峙
君山東障抗川西遠

建寧縣

濰江
縈繞

不池彌深百丈
嵯峨不郭彌險

泰寧縣

金繞遠盤壚峯近據
北枕杉溪東環三澗

汀州府崇山複嶺

本志

南通交廣北達淮右

宋鄭強移
創州學記甌

閩輿壤

宋張文潛
修學記

在山谷斗絕之地

文獻
通考

西鄰贛吉

南接潮梅

鄞江
志

山重水迅

圖志

一川遠匯三溪水千嶂

深圍四面城

宋陳
軒詩

長汀縣

附郭

寧化縣

翠華鳳凰在其北五臺筆架在其
南城門嶂東峙如屏牛頭山西立

若清流縣諸山合作屏風立歸化縣臨汀空道閩廣

一水環成几字流
獅巖連城縣複疊萬山之中上杭縣襟三折之清漪

東峙舟車四塞之地
武平縣靈洞諸峯吐奇獻秀永定縣龍岡後峙榜山

化龍諸水環抱合流
澄澈一湖

福寧府東南襟帶大海西北控扼崇山本志左犄浙右角

閩同上叻海派江沈亞赤岸東據玉巖西峙龍首擁後

南峯拱前閩書

霞浦縣附福安縣秦嶺鳳渚環繞東北寧德縣負青

鷓鴣之秀擁金仙王女之奇

壽寧縣四山列屏一水縈帶

臺灣府聳峙海表滙流阻深背負崇岡襟帶列島浪嶠

南屏雞籠北衛

臺灣縣

附鳳山縣

十里荷香蓮潭開天然之泮水諸

羅縣

全臺鎖鑰往道蜿蜒

彰化縣

近防三林鹿仔遠控淡水雞籠

永春州簾幙馬嶺樓臺樂山羣峰走青一水趨碧

德化縣

諸山環拱丁溪中流

大田縣

二水東流雙峯北峙

龍巖州東寶左環紫金石峙奇邁前揖九侯後擁

漳平縣

平潭清徹
羅石重關

寧洋縣

居漳上流枕延右臂麟山
輦南山之秀玉崗擅北門

雄之

福建通志卷五

欽定四庫全書

福建通志卷六

城池

附水利
橋梁

王公設險以守其國故易載城隍詩言墉壑城池之重自古已然八閩依山負海三里七里鮮平原廣衍之區然而增陴立雉深溝固壘司土者所不容緩也至於津梁水利則隨地制宜因時起事其當為鄭白之渠而無蹈秦涿之政歟志城池

福州府

閩侯二
縣附郭

府城

自漢閩越王無諸開建以都冶曰冶城在今府治北晉太康四年郡守嚴高以舊城隘不足以廣聚

乃圖山川形勢以咨郭璞璞指越王山南之小山阜曰是宜城五百年當大盛遂遷焉是為子城唐中和間觀察使鄭鑑脩拓其東南隅文德元年陳巖恢其形勢甃以磚石王氏國閩外築羅城四十里五代梁開平三年復築南北夾城謂之南月城北月城後歸吳越錢氏更築東南夾城以並之宋太平興國三年錢氏納土詔盡墮其城皇祐三年復詔郡守曹頴叔漸次興築始築百五十丈熙寧二年郡守程師孟乃據子城舊基脩築復增築西南隅八年郡守元積中甃以重甃密置候樓咸淳九年詔增築外城元初復漸墮廢至正十四年平章陳友定稍繕完之明洪武四年命駙馬都尉王恭因址修築北跨為樓曰棣樓

南則因故外城遶九仙烏石之麓廣袤方十里高二丈一尺有奇厚一丈七尺周三千三百四十九丈城上敵樓六十有二堞樓二千六百八十有四女牆四千八百有五警鋪九十有八為戰屋以間之表裏闢夾道各二丈許形家謂郡城為鳳穴登山俯眺首尾兩翼形勢宛然成化十九年閩大風雨敵樓戰屋併守宿之鋪推毀殆盡巡按汪奎及方岳重臣規畫繕理悉復其舊嘉靖三十八年防倭增置外敵臺三十有六環城三面塹壕深七尺五寸廣十丈延袤三千三百四十六丈有奇萬厯十年重修舊子城之門七南虎節門門外還珠門東南定安門東康泰門西豐樂門門內宜興門西南清泰門羅城之門七南利涉門東南通津門東海宴門東北延遠門北永安門西北安善門西南清遠門夾城之門七南寧越門東南美化門門內水部門東北井樓門北嚴勝門西北遺愛門西迎仙門外城之門六南合沙門東南通仙門

東行春門東北湯井門船塢門西怡山門明時城門
七曰南門曰北門曰東門曰西門曰水部門曰湯門
曰井樓門城中水關四一在水部門東引南臺江潮
由水關入城凡三十有六曲弘治中鎮守內臣議鑿
新港而三十六灣始廢形家以為非宜郡人給事謝
賁奏復不果一在西門之南引洪塘江潮由西水關
入城亦三十有六曲城中河數十丈濤洄民居前後
舟航隨潮汐往來其在北門湯門二關則但以蓄洩
潦水而已國朝順治十八年總督李率泰折換城
屋增築垣墉高二丈四尺厚一丈九尺窩鋪二百六
十有四砲臺九十有三垛口三千有奇馬道五千五
百三十丈康熙三十四年總督郭世隆重建西南二
城樓雍正五年重修七門城垣九年增築
女牆繕葺雉堞丹堊煥然屹若金湯云

長樂縣城

明弘治間創築廣僅里餘嘉靖三十一年為
防倭故拓而大之廣五里高一丈五尺厚一

丈周一千四十五丈有奇。闢門五。南曰陽春。北曰拱極。東曰鎮海。西曰清江。西南曰平政。水關五。警鋪五十。有七。三十七年增置敵臺十有三。鑿壕若干丈。崇禎末。知縣夏允彝復擴城垣二百八十丈。國朝因之。

福清縣城

明正德八年始為四門。東曰文興。北曰玉屏。南曰龍江。西曰雙旌。嘉靖三十三年防倭更

築垣高一丈八尺。厚一丈四。四周九百九十三丈。女牆一千三百。警鋪二十有四。水關三十七。年復築敵臺三。增高城垣四尺。環垣上為堞。樓表裏闢夾道。濬壕深廣各二丈。是年陷於倭。萬厯二十二年知縣丁永祚以城北傳高山西跨岡巒。東凌阜。賊登阜而攻。若對壘。然乃徙其北之卑者於山。徙其西之高者於山之半。三十年復移舊城四百餘丈。新增城二百丈。並以月城。天啓崇禎間兩次增修。國朝雍正十

一年巡撫趙國
麟撥項修葺

連江縣城

明嘉靖二十年創築廣四里許高一丈五尺厚一丈周九百丈有奇雉堞一千六百闊門

四東曰鎮定南曰廣化西曰承恩北曰懷寧又小門三水關三嘉靖三十六年分巡僉事盛唐增高三尺

建窩鋪三十有六三十七年署印都司斷事王汝奇開城外壕自東至西延袤四百餘丈廣一丈二尺又

自東嶽觀至鄭家園計二十餘丈廣八尺四十一年邑令熊尹臣復建敵樓十有一窩鋪十國朝雍正

三四兩年相繼被水傾圮十
之七八五年奉旨重修

羅源縣城

舊無城明弘治中始列柵為十門越數年知縣徐珪請築土堡二百丈毀舊門建新門六

正德十四年知縣黃相垣東西二門嘉靖三十七年推官徐必進奉檄拓之以備倭萬厯七年僉事李樂

改砌以石延袤四里許高一丈五尺厚一丈三尺周八百三十一丈闕門五東曰恬波西曰歲成南曰阜薰北曰迎恩西北曰小西敵樓六水闕二涵闕二埤闕一國朝順治六年增築東甕城一座康熙二十一年增建戰樓一座四十年知縣陳于宣重修雍正十年奉文修葺

古田縣城

明弘治十三年創築西北跨山東南濱溪廣袤七里許高一丈七尺厚一丈周一千三百

丈有奇為門四東曰萬安今改澄清西曰永豐南曰迎恩今改太和北曰望闕今改節鎮水門五曰威武門金井門朝陽門鳴玉門觀瀾門萬厯二十五年增葺復造敵臺十城堡六十有七國朝因之

屏南縣城

城周圍三里許長六百七十五丈高一丈九尺厚一丈一尺東西南北敵樓四座炮臺四

座雙溪合抱四山環拱雍正十二年總督郝玉麟題請增設一縣創築城垣

閩清縣城

舊無城惟東南北面創三敵樓置柵為門國朝順治十八年知縣姜良性始造小城周

五百一十丈高二丈厚八尺闕門五曰永寧門拱辰門宣政門光化門水門雍正十一年巡撫趙國麟撥

項修葺

永福縣城

明嘉靖三年知縣何謙創築後令文惠陳克侯相繼修葺城高一丈五尺厚丈許周六百

九十二丈有奇為門樓四串樓一百二十敵臺十萬歷十七年山寇起士民以東北城垣環於山灣不便

守禦請移入山頂周七百十丈城屋七百七十一間闕門四東曰永泰西曰平西南曰雙清北曰瞻京又

水門一國朝康熙三年七年十九年三次被水知縣于昌孚李景明董治國節次倡修雍正五年知縣

張宣張廷球馮紹立相繼修葺雍正十年重修

附塘頭城明嘉靖間里人董世道捐造萬歷四十年拓而大之中州砲城 羅星

塔城 金牌寨城 圓山寨城 崇新寨城 登高

寨城六城俱滿保巡撫陳瓚布政司石沙木哈捐葺閩安

鎮城國朝順治十五年造梅花所城明洪武二十年造周六百四十丈高

一丈八尺濶六尺女牆一千一百二十有四戰樓二十有四窩鋪二十東西南三面各關門一外環以壕

石梁蕉山司城明嘉靖三十八年造松下司城明嘉靖三十九年造小社

司城明嘉靖四十一年造鎮東衛城明洪武二十年江夏侯周德興造周

八百八十三丈有奇高二丈濶一丈女牆一千三百四十有九窩鋪四十有三城四隅各關一門建樓其

上永樂十六年增建戰樓海口鎮城明嘉靖三十四年倭寇犯鎮民

多死者御史吉澄請帑金七千七百餘兩賑之鎮民願以所賑築城其後島寇屢犯鎮以有城可守萬

安所城明洪武二十年江夏侯周德興造周二百二

八百二十有七窩鋪十有三戰樓十有化南城明嘉

造沙塘城隆慶間造定海所城明洪武二十年江

八百丈高一丈五尺窩鋪十有六西北茭司城蛤

沙司城俱明初江夏侯周德興造東岱寨城國朝康熙八年展

縣

興化府

莆田縣附郭

府城

宋太平興國八年築內為子城周二里許覆以屋環以通衢外築土垣茅覆而已宣和三年始更築

甃以磚甃周七里有奇引北澗水為濠繞城而達於東南與西南溝塹合為門五東曰望海南曰望仙西曰肅清北曰望京東北曰寧真各建樓其上歲久寢廢紹定間盜起郡人學士陳宓創議修築知軍趙汝固疏於朝賜祠牒五千助役未至而汝固去知軍曾用虎繼成之崇袤稍加於舊表裏石砌覆之以磚郡人尚書劉克莊為記元至正間兵亂城圯同知關保因舊址重修明洪武初衛指揮李春繕治十二年指揮程昇以增設軍士城隘難容奏闕之乃越舊壕跨烏石山東下歷前埭後埭與舊城合延袤一十一里周二千八百三十八丈基廣一丈六尺牆高二丈四尺表裏砌以石為女牆二千九百六十有二窩鋪四十

有九敵樓二十有七廢寧真為門四東西仍舊名南改迎仙北改拱辰水關二東通舟楫西低小欄以石盾僅容水入而已城外壕池左起東北隅折而南引壽溪水注之右起西南隅折而東引木蘭溪水注之二水交合共長一千七百七十丈廣二丈六尺深一丈西北負山鑿為旱壕長五百九十三丈廣二丈六尺深二丈成化七年巡撫張瑄檄知府潘琴重修嘉靖三十七年倭寇薄城下參政萬衣增腰牆砌堞于稍濶之四十一年倭大集城陷知府易道談新至急城其東北南三面力不給郡人御史林潤奏乞帑金三萬佐之四十三年總兵戚繼光請於巡撫譚綸令城外西北築牆高七尺北門至西水關築土牆四百五十丈西水關至西門築石牆六百三十四丈五尺添設敵樓六隆慶元年知縣徐執策設堞口副堞以便立守五年分守陰武卿重修東北二門改東曰鎮海西曰永清南曰迎和北仍拱辰萬歷九年知府陸

通霄以城西北一隅跨山腰之半而遺其高者於外
倭寇昔乘此越入乃申請院道重拓西北城垣將高
岡圍入城內長八十五丈五尺高二丈厚一丈建敵
樓一窩鋪二方門二垛子一百八十有二以新城為
外險以舊城為內
閩 國朝因之

仙遊縣城

宋紹興十五年縣令陳致一創築以禦山寇
寇退工遂止乾道中令趙公綢建四門東曰

九仙西曰甘澤南曰流慶北曰橫翔明正德元年寇
攘界中邑人尚書鄭紀請於御史韓廉築土城尋圯
八年知縣范珪砌以磚亡何亦壞嘉靖二年知縣蕭
弘魯更用石砌環以敵臺居七年始成周一千九十
五丈高一丈二尺六寸厚二丈六尺垛高五尺厚二
尺改東門曰賓曦西曰愛曉南曰迎薰北曰拱極
國朝順治十二年陷於寇守道
蘇弘祖倡輸修復增高五尺

附平海衛城

明洪武二十一年衛指揮僉事呂謙奉檄創造周八百六丈七尺高二丈四尺濶一

丈四尺女牆一千三百有十窩鋪三十門四東西各一南二各建樓其上城北地勢高峻故不置門惟築

臺以瞭海洋而已正統八年指揮同知王茂奉檄增築敵臺十

莆禧所城

明洪武二

周五百九十八丈高一丈九尺濶二尺女牆一千四十有九窩鋪二十關門四各建樓其上東南北三面濱海西則有壕長一百

迎仙司城

冲心司城

嵌頭

司城青山司城

小嶼司城

吉了司城

俱明洪武二十

年江夏侯周德興造各周一百五十

楓亭寨城

同朝康

文南北門建樓其上以上莆田縣
熙五十六年總督覺羅滿保巡撫陳
璉布政使石沙木哈捐修在仙遊縣

泉州府

晉江縣附郭

府城

郡舊有子城有衙城有羅城有翼城子城唐天祐間王審知命築周三里許高一丈門凡四東曰行

春南曰崇陽西曰肅清北曰泉山衙城在子城內羅城在子城外俱留從効所築羅城周二十餘里高丈

八尺門凡六東曰仁風南曰鎮南西曰義成北曰朝天西南曰臨潭曰通津別有水門曰通淮宋宣和二

年郡守陸藻增築外磚內石基橫二丈高過之翼城在羅城外東自浯浦西抵甘棠橋為石城四百三十

八大高一丈厚八尺則宋紹定三年守游九功所築也歲久諸城先後傾圮元至正十二年以淮西盜起

命州郡修濬城池於是監郡僕王立會僚屬議東西北仍羅城南仍翼城舊址役僧道編氓分築周三十

里高二丈一尺城東西北基各廣二丈四尺外甃以石南基廣二丈內外皆石為門七廢通淮門而於德

欽定四庫全書

卷六

濟仁風之間建門曰南薰門上各有樓外環以濠濶三丈七尺深一丈八尺潮汐通自西南至東北盤石而止明洪武初衛指揮同知李山增高舊城五尺基俱廣二丈四尺內外皆甃以石建月城六戰樓五窩鋪百四十壕加濬治弘治十三年臨漳門東半里許水齒城下路數丈且及城知府張濂築二壩障之嘉靖末德濟門災知府熊汝達重建改南薰門曰迎春萬厯三十二年地震城多圯副使姚尚德知府姜志禮修治之國朝順治十五年照依關東式改造築砌為垛子二千三百有十月城垛子二百有五每垛長七尺厚三尺寬一丈五尺垛口寬一尺八寸康熙三年六月被水垣塌四年重修城上窩鋪一百四十改為高厰九十有四十一十二年復加修葺十七年海寇圍攻自南門連東門一帶垛子被砲壞八月大兵解圍知府張仲舉知縣沈朝聘重修雍正九年奉旨修葺

南安縣城

舊無城明嘉靖三十七年被倭知縣夏汝礪始甃石城為門四上各有樓有月城南月城

覆以營房周七百七十四丈有奇堞二千二十有四敵樓七窩鋪三十有六旋闢城壕二百餘丈引萬石陂水環城萬歷間知縣袁崇友增高三尺四隅添設灣角樓其後地震雉堞多圯知縣周紹祚修之崇禎三年知縣李九華重修十四年知縣韋克濟增高三尺國朝順治十一年墮于海寇十三年知縣祖澤茂即舊基重建堞併二為一康熙四年知縣劉翊漢八年知縣劉佑相繼繕治雍正九年邑諸生陳士鈞捐田十一畝零為修理城垣費

惠安縣城

舊無城明嘉靖末都御史王忬檄知縣俞文進築以防倭鄉紳李愷佐役甚力周九百八

十六丈五尺基廣一丈二尺高一丈九尺堞一千七百有奇內外甃以石為門四設上下水關通蓮花山

下水以入龍津陂尋倭寇來攻知縣林咸固守城得全署令李時芳復築月城建樓增高三尺設敵樓二敵臺三其後知縣符良佑陳王成蕭繼美劉一陽署令潘璘各有增修國朝順治十一年被海寇剽平十二年知縣楊鶴齡修築康熙十七年陷於寇尋大兵克復知縣胡雲龍照舊址重修

同安縣城

宋紹興十五年邑令王軾創築令劉寬踵而

元至正十四年寇攻陷十五年達魯噶齊瑪哈瑪迪沙修之內外皆砌以石明正統十四年復為沙尤寇陷

景泰元年泉州指揮使楊海同主簿蔡遶重建其後知縣張俊徐宗興洪世俊王世德鮑際明各有增修

國朝順治五年四月陷于寇八月大兵恢復十一年寇又踰入十二年重修周八百四十六丈有奇

基濶一丈一尺九寸頂濶一丈高一丈九尺九寸門樓四垛子六百七十有五窩鋪三十有三砲臺四城

外短牆八百六十九丈高七尺壕溝一千九十六丈康熙十七年署令齊宗孔增修

安溪縣城

舊無城明嘉靖末知縣陳綵蔡常毓先後興築周六百二十六丈高二丈一尺基廣一丈

八尺門四水門二萬厯間知縣廖同春闢子城於南門後令高金體任守翰相繼修治國朝順治十二

年墮於寇知縣韓曉依舊址重造併蓋串樓

附

安海城

古名灣海唐安金藏之後連濟徙居於此因易灣為安宋為安海市東曰舊市西曰新市

客舟自海到者州遣吏權稅於此號石井津建炎四年創石井鎮以廸功郎任紹興二十六年海寇奄至鎮官方某築土城壘石為門備之明為安平鎮嘉靖三十七年泉患倭晉江令盧仲佃與鄉紳柯實卿甃石拓之萬厯三十四年設駐鎮館移郡卒蒞焉國朝為安海汛雍正七年總督高其倬以其地逼近海

口要區僅設巡檢把總各一員不足以資彈壓奏請添設守備一員併將泉州糧捕通判移駐於此永

寧衛城

舊永寧里地洪武二十七年江夏侯周德興以衛瀕海宜防倭賊乃遣衛指揮僉事童鼎

築城於此周八百七十五丈基廣一丈五尺高二丈一尺窩鋪三十有一為門九各建樓其上城外壕廣

一丈六尺間礮大石深淺不同永樂十五年都指揮谷祥增高城壁三尺門各增築月城高與城稱正統

八年增修成化八年門樓俱圯指揮使楊晟重建福全所城明洪武二十年

造周六百五十丈有奇基廣一丈三尺高二丈一尺窩鋪十有六四方各闢一門建樓其上永樂十五年

增高城壁四尺正統八年增修祥芝司城烏潯司城深滬司城

圍頭司城

俱明洪武二十年江夏侯周德興造各周一百五十丈廣一丈高一丈八尺至二丈

不等 國朝康熙五十六年總督覺羅滿保巡撫陳
璘布政司石沙木哈捐修永寧福全祥芝深滄圍頭

五城 以 崇武所城 明洪武二十年江夏侯周德興
上晉江縣 造周七百三十七丈廣一丈三

尺高二丈一尺四方各關門一
建樓其上永樂十五年重修 小岞司城 獺窟司

城 峯尾司城 黃崎司城 俱明洪武間江夏侯周
德興建周各一百五十

丈廣各一丈高一丈八尺至二丈不等 國朝康熙
五十六年總督覺羅滿保巡撫陳璘布政司石沙木

哈捐修崇武黃崎二
城 以上惠安縣 中左所城 明洪武十七年建周
四百二十五丈九尺

高一丈九尺窩鋪二十有二東西南北關四門各建
樓其上永樂十五年都指揮谷祥增高城垣三尺四

門增砌月城正統八年都指
揮劉亮復增築四門敵臺 金門所城 明洪武二十
年江夏侯周

德興建周六百三十丈高一丈七尺窩鋪二十有六
東西南北關四門各建樓其上永樂十五年增高城

垣三尺并砌西北二月城正統八年增高浦所城
年增築四門敵臺今為駐防鎮城高浦所城明洪武
二十三年

俱砌月城并建樓其上永樂十五年增高城垣三尺
年增築四門敵臺今為駐防鎮城高浦所城明洪武
二十三年

正統八年增塔頭司城高一丈八尺
築四門敵臺塔頭司城高一丈八尺官灣司城周

百六十丈高一丈八尺國朝康熙五十六年總
督覺羅滿保巡撫陳瓚布政司石沙木哈捐修田

浦司城高一丈八尺陳坑司城高一丈七尺
浦司城高一丈八尺陳坑司城高一丈七尺峯

上司城高一丈八尺烈龔司城高一丈七尺
上司城高一丈八尺烈龔司城高一丈七尺城俱

明洪武間江夏廈門石城國朝康熙二十四年造
侯周德興建廈門石城國朝康熙二十四年造
門

四各建樓其上為水師提督駐劄以上同安縣

漳州府

龍溪縣附郭

府城

郡舊築土為子城周四里為門六東曰名第曰清漳西曰登仙曰朝真南曰雲霄北曰慶豐宋咸平

二年始浚壕環抱子城外大中祥符六年郡守王冕加浚西河又於西南隅鑿水門接潮汐通舟楫其外城惟豎木柵周十五里紹興間守張成大毀子城撤外城東西北三面木柵築以土獨南一面阻溪而子城之壕在城內矣嘉定四年守趙汝謙砌東門以石高十級長五百餘丈紹定三年倖林有宗復砌西南北三面長二千五百餘丈高一丈七尺建樓櫓浚河湟開門七東曰朝天西曰安豐南曰通津北曰貢珠西北曰小關門西南曰龍溪門東南曰朝宗門城上建候亭二下為閘三守江模成之淳祐九年守章大

任重建東西北門增築城背併砌石路與城相周匝元至正二十六年省丞陳友定改築東西北三面而縮入之獨南一面仍舊周二千一百七十三丈高三丈五尺西北一隅依山高二丈三尺月城各周五十丈浚壕三百五十九丈東深二丈廣五丈西深一丈八尺廣四丈南臨大溪北依山而壑之為乾壕門惟以東西南北為稱其南偏作東西二水闕明洪武初四門置月城各建樓其上正統七年重建西北內外樓天成順五年東門內外樓為颶風所拔明年重建外樓成化五年重建內樓城東南角址溪流衝射舊築土堤捍之然潦至輒壞九年巡撫張瑄作石堤址始固十八年知府姜諒復築外堤作亭其上匾曰保安弘治十四年指揮同知侯汴於西北建威鎮亭踞登高山上歲久城壞正德嘉靖年間述有修治隆慶元年以城北芝山後地僻修窩鋪三間守之五年修各城垣敵臺及四門月城又於巽方撤舊樓改建八角

樓扁曰威鎮閣以配威鎮亭萬歷十九年城南樓災
尋重修三十七年改名南門曰三台東曰文昌西曰
太平北曰太初國朝順治十二年海寇陷城悉沉
砌石於海中是年世子王恢復從新興築周一千九
百七十一丈垛子一千二十有四窩鋪七十有七康
熙八年副將袁如桂於城上增設火藥局十八間改
南門曰時阜十年巡海道陳啓泰修築東門樓三十
六年龍溪令田廣英修築南門樓五十年重修廢窩
鋪及諸雉堞五十三年知府魏荔彤因威鎮亭故址
築萬壽亭先是嘉靖間因防倭閉塞東西二水關城
內河道淤遏潮水不通隆慶六年始行挑濬歲久復
壅每遇洪潦輒有昏壅之患雍正七年知府李治國
大加疏濬由東閘至西閘一帶舟行無阻水不為災
商民便之九年郡人候選通判郭元龍捐修四門內
外樓雍正十一年
巡撫趙國麟修葺

潼浦縣城

宋乾道間邑令薛世清始立三門西曰應龍北曰永豐東北一門無名後令高稷又建東

門曰東溪改永豐為拱辰南門尚缺淳祐初因寇警令趙與清議建四門樓未果元至正十二年達魯噶齊馬薩都拉始城之周七里砌以石高一丈二尺為門四建樓其上環城浚壕西北倚山為塹明正德五年知縣胥文相建城上窩鋪二十有三重建北門樓改名朝天七年知縣劉桐增卑為高嘉靖六年又於城內築上馬道疏城壕三十八年知縣劉欽復增築設鋪二十有四扁東門曰將印西曰仰德南曰迎薰北曰拱極為月城周一千一百九十八丈四十二年知縣龍雨復創敵樓一十六座南北郭外中逵各為高樓南曰鎮南北曰仰北萬厯七年重葺城中馬道易土為灰間砌以石國朝順治十二年陷于寇是年世子王遣總兵官楊捷築新城周一千七百九十八丈垛一千九百五十有二減窩鋪三增敵樓二復

築臺於城之西北扁曰千秋保障十五年總兵王進功加建女城於城之四隅三十八年開東西二水門四十六年知縣陳汝咸重修

海澄縣城

明嘉靖三十六年築土堡隆慶元年設縣分為二堡東北一帶仍舊垣葺之西沿溪亦垣

以灰上連亘於舊南一帶為草坂堡附焉四年知府羅青霄以南北相距丈數倍於東西有乖形勝且不便防禦乃撤草坂堡縮之又於東邊拓民地砌以石周五百二十二丈高二丈一尺月城二重窩鋪十二垛口二十四十有五門四東曰青波西曰環橋南曰揚威北曰拱極萬歷六年知縣周祚改西為通津南為耀德北為承恩十年又改南曰萬峯雄峙北曰大海朝宗後令毛鳴鳳增高三尺改大東門為小門名曰觀海小東門為大門名曰迎陽復築觀海樓跨城上天啓二年知縣劉斯徠築東北關中為複壁上通

馬道連江口堡國朝順治九年叛將誘海寇入據
更舊制斷龍脉寇平康熙二十七年知縣胡鼎請於

督撫
重修

南靖縣城

元至正十六年尹韓景晦初築土城西南瀕
雙溪東北濬城壕周六百六十三丈高一丈

五尺為門四明嘉靖六年知縣傅銓砌以石高二丈
餘門東曰迎恩西曰豐泰南曰豐濟北曰望闕各建
城樓東北西三面為壕西南延帶溪水窩鋪十有二
城樓東北西三面為壕西南延帶溪水窩鋪十有二
二十八年重修四十四年因饒寇之變撤舊甃垛移
築於大帽山之麓離舊城里許周五百四十丈新營
拓落民不適居萬歷二十三年知縣陳宗愈乃移建
於元故址廣六百二十七丈有奇高二丈四尺有奇
敵臺十有四敵樓四窩鋪十有二女牆逾千改名門
東曰惠德西曰和義南曰保極北曰禔福築水關以
洩漲潦復濬濠環之國朝順治十二年陷於寇知

縣鄭宰仍前址砌築更名門東曰環珠西曰卧龍南曰懷來北曰玉映視舊為堅固云

長泰縣城

舊惟土牆周二百五十三丈高一丈宋端平間令鄭師申增築土城為四門東曰武勝西

曰順成南曰登科北曰良岡元至正間簿陳又積廣基千三百餘丈明初砌以石建樓鑿壕歲久而壞正德十年列木柵以補其缺十三年知縣朱紘重砌石城九百九十一丈瀕溪者高一丈五尺負山者一丈三尺鑿山為壕馬道窩鋪悉備嘉靖三十五年知縣蕭廷宣增高三尺改建四門樓名東曰賓陽西曰旺金南曰迎薰北曰閩武又增置窩鋪一十有七敵樓一十有六浚城濠西南門外為通濟接武二石橋萬歷甲戌壬午間兩遭水衝並加修築庚寅颶風大作癸卯又風敵樓鋪堞盡壞知縣管橋復修以西郊地勢行曠樓鋪尚缺乃建樓高可瞭遠扁曰金湯永固國朝順治十二年重修

平和縣城

明正德十四年知縣徐鳳岐建高一丈八尺內城五百六十三丈四尺外城五百九十六

丈二尺城四門上為敵樓下設二水門旁列窩鋪二十堆堞一千二百八十有四萬厯三年知縣楊守一

以東門在東北隅橫衝縣署不利乃改東門於正東街又塞水門開小水門於東門舊址增城垣高四尺

崇禎六年知縣王立準重建四城門樓國朝順治六年署令孫之翰駐防張光榮增修十二年寇陷知

縣劉一蛟仍前址修築名門東曰朝縣南曰迎薰西曰挹爽北曰拱極

詔安縣城

宋為南詔場又為巡檢寨元至正間右丞羅良命屯營陳君用砌石城之周六百四十五

丈高一丈二尺東臨溪西南北依山鑿乾壕明弘治十七年詔置南詔守禦千戶所始拓城西偏而廣之砌以石周一千三百六十八丈高一丈六尺嘉靖九年設縣遂為縣治城十二年二十八年節次重修三十

七年知縣龔有成增高城垣三尺築南門月城四隅各築敵臺浚壕四十二年知縣梁士楚增築外城周一千二百丈有奇又築西關城周三百餘丈國朝順治十二年寇陷十三年知縣歐陽明憲新建周六百八十三丈垛子三百六十有六高二丈七尺炮臺四窩舖八康熙六十年署令郭愚重修

附

石美城

舊址土堡明嘉靖間建城拒倭周一千四百五十丈有奇高一丈八尺有奇設海防同知

行署國朝順治三年為海寇所據六年義師恢復墮其城康熙九年更築防海廣視舊制四之一十七

年復陷寇日久圯壞今惟存舊址

鎮門南北二城

南在十一都北在二十七都隔水對

峙明季郡人吏部陳天定築垣防海崇禎間郡守施邦曜易以石國朝康熙元年折移外建三又河及

石碼

長橋土城

明郡人尚書林士章築

江東南北二城

國朝康熙二

建龍江城

國朝康熙二年
建以上龍溪縣

鎮海衛城

明洪武二十
年江夏侯周

德興築以備倭周八百七十三丈廣一丈三尺高二丈二尺皆砌以石為女牆一千六百六十窩鋪二十垛口七百二十東西南北分四門後以東門失險閉之別開一水門凡五門各有樓城下以海為濠歲久傾圯正統間指揮同知桂福修之弘治間指揮袁信重修嘉靖四十年陷于饒賊隆慶三年總兵張元勳重修國朝順治十八年遷界城廢康熙二十年再修今復頽壞

雲霄鎮城

唐為故
州地明

正德間寇起當事議築城不果鄉民吳子霖鳩眾自設城塹以備捍禦未幾毀嘉靖五年知縣周仲從義民吳子濡等請築城周八百二十五丈高一丈八尺址累層石末甃以磚三十九年饒賊襲陷倭寇相繼蹂躪隆慶六年知府羅霄同知羅拱辰增卑為高更於東西南三門各築甕城為週樓其上穴其垣通

矢石為守戰備甚具移通判駐其中 國朝順治元年山寇徐連葉積繼亂城圯十七年總督李率泰調九縣丁夫修築制視舊稍狹約八百丈城樓四座窩鋪一百間歲久復圯康熙四十年知縣陳汝咸捐俸修葺四十六年大水城崩四十餘丈五十年知縣汪紳文重修陸鼇所城周五百五丈高二丈砌以石女牆八百六十有五窩鋪十有五東西南北分四門又開水門各建樓其上城外以海為壕明洪武間江夏侯周德興造銅山所城明洪武國朝順治十八年遷界城遂廢 二十五

年江夏侯周德興築周五百五十一丈廣一丈高二丈一尺基砌以石女牆八百五十窩鋪十有二東西南北為四門又開水門一各建樓其上嘉靖十年增甕城三十六年倭警眾議東北城圯且卑具呈漳南道王時槐願自修築遂委詔安令龔有成勘修並卑以高易土以石東北始為崇墉城環海為壕 國朝

康熙三年焚圯十八年
重築今為駐防鎮城

懸鐘所城

明洪武間江夏侯
周德興築周五百

五十丈廣一丈高二丈砌以條石女牆八百六十有
一窩鋪十有五東西南北各為門建樓其上東北闢

水門外環海為壕嘉靖四十一年陷於倭隆慶六年
重修國朝順治十八年遷界城廢康熙五十六年

總督覺羅滿保巡撫陳璘布政司石沙木
哈捐修鎮海雲霄陸龜銅山懸鐘五城

青山司城

東沉赤山司城

井尾司城

後葛司城

俱明洪武間江

夏侯周德興建各周一
百十五丈高一丈五尺

古雷司城

盤陀司城

俱明時建

馬口城

國朝康熙二年總督李率
泰建刻記於石下俯溪橋

八尺門銃城

國

朝康熙二十年建
以上漳浦縣

九都港口二城

舊築土堡歲久傾
圯萬厝間謀防海

知縣姚應龍節義重修天啓間恐紅毛入寇而牆復傾顏知縣劉斯傑銳意更始邑人太史李世奇時為孝廉贊襄之以港口東北面海軍為敵衝易灰而石中為複壁上週馬道高一丈數尺周三百五十九都則學宮在焉四面環砌皆石覆垣高廣畧與縣城等國朝順治九年海寇圍漳州不克九月遁還毀九都城惟港口城濠門司城周一百五島尾司城一與邑治並存云

百十五丈高一丈五尺二城俱明時建天妃宮銃城周數十丈中有鎮遠樓崔嵬遠眺

崇禎間知縣梁兆陽建國朝順治十五年總督李率泰重修圭嶼城明萬厯初同知羅拱辰建

今廢府志以此城砥柱海口為郡城漳潮司城洪門戶所當議復者以上海澄縣

淡司城金石司城俱明八尺門銃城二十年建與

漳浦八尺門銳城對峙
以上詔安縣

延平府

南平縣附郭

府城

築自宋周九里一百八十步為門十有一曰鐔津曰開平曰延安曰崇化曰延平曰延清曰披雲曰

建安曰將順曰通福曰延泰至明城仍舊門則更而為九曰建寧曰壩坑曰建寧小水門曰福州小水門曰延福曰西水今為南門曰西鶴今為西門曰大北曰小北今塞自建寧門抵延福門臨建溪自延福門抵西水門臨蕉川自西水門抵大北門臨山礪自大北門抵建寧門城壁延袤環高岡之巔為窩鋪六十

有四國朝因之

順昌縣城

舊無城明正德元年巡按御史饒糖檄通判羅環勸造大門五曰東安曰西寧曰南平曰

北定曰通津小門四曰朝天曰安靜曰神祐曰得勝
周八百八十三丈窩鋪五堞一千三百四十有二
國朝順治五年總督陳錦臨閱令依山一帶兩堞砌
成一堞增高二尺康熙二十年大水城東西南俱圯
知縣高宗修葺四十五年知縣劉德
亮四十八年知縣郭鏌相繼重修

將樂縣城

元至正四年漳寇李志甫侵縣縣人吳文讓
募義兵滅之文讓子克忠因地勢高下築土

為城廣袤九里設為四門東曰攀龍南曰金谿西曰
萬安北曰安福又為橋門以通往來水門以便汲引
十二年臨川寇鄧忠侵境卽武路總管吳阿勒坦布哈
加以木柵二十一年陳友定據延邵復加修築周五
里四十餘步門仍舊名自東門抵南門臨溪流自西
門抵北門據山麓塹塹延袤二百五十九丈明洪武
元年汀寇金子隆陷城武臣朱平章克復置守禦千
戶所時千戶李濟韋淮以西南隅山谷空虚縮進城

垣五百步又以舊城勢弱加磚重甃於外東北羅以月城復建甕城樓其後屢經修葺高二丈濶一丈二尺堞二千有五國朝順治八年知縣宋可發增築堞連三為一窩鋪三十有八雍正六年知縣馮景曾修重

沙縣城

舊無城明弘治四年因禮科給事中李孟暘陳地方事知府蘇章親臨相度勅築前臨溪後枕

山甃石為址陶甃為堵堵上加雉高二丈一尺厚一丈有奇周一千四百一丈有奇堆堞二千八百有奇門四東迎恩西永安南延福北昌樂又為小水門四通汲道小北門以便樵採嘉靖間知縣何亦尹構窩鋪十有五後令石中美稍縮其地更築三十餘丈崇禎間知縣程紹儒復增高之國朝康熙三十八年知縣林采重修

尤溪縣城

舊無城明弘治四年知府蘇章奉勘合委通判應元徵勦築廣泛迂畧嘉靖二年為汀寇

所破六年巡按劉廷鑑力主更造計舊城一千五百五十五丈新城改入二百九十丈門六曰東溪曰西津曰南薰曰北平曰玉溪曰沈福其後知縣錢貞戴朝恩陸觀德鄧一彝各有修葺國朝康熙四十九年西北隅壞知縣劉宗樞重修周一千二百九丈四尺高一丈五尺水關四水門九窩舖二十有五敵臺一百四十垛一千五百七十有九

永安縣城

明正統十四年沙寇鄧茂七平都督范雄請於沙尤二縣界築城調邵武衛後千戶所軍

置永安守禦千戶所於此景泰四年始置縣遂為縣城周五里三十二步為門四東德化西清流南通漳北延平窩舖十有六自東門抵北門又自北門抵西門壕塹延袤七百一十一丈自東門抵南門又自南

門抵西門負山阻溪巖險天成
壕塹無事開鑿國朝因之

建寧府

建安甌寧
二縣附郭

府城

自漢景耀三年吳以王蕃為建安郡守始築於溪
南覆船山下劉宋元嘉初遷於黃華山麓梁末為

長沙侯蕭基所焚陳刺史駱文廣復徙覆船山下唐
天寶中有張刺史者始建樓閣建中元年刺史陸長
源復築城於黃華山麓延袤九里三百九十步高一
丈廣一大二尺為門九南曰建溪東南曰資化西南

曰建安東曰寧遠西曰水西水西之東曰西津西津
之南曰臨江東南隅曰通安北曰朝天祐中刺史
孟威築南羅城五代晉天福中偽閩王延政又增築
宋改水西門曰平政建炎間盜葉儂范汝為相繼作
亂城遂壞紹興十四年復圮於水明年守張鉞修築
重建寧遠門二十年守黃軫重建朝天門淳熙元年

守傅自得重建通安門端平二年守姚瑤重建建溪
資化建安水西臨江萬石六門元罷守禦城日圯至
正十二年紅巾入寇守趙節因舊址修築周九里三
十步改門寧遠曰高門萬石曰西門通安曰捲秋建
溪曰南門資化曰長橋建安曰市門又改為管門其
臨江平政朝天三門仍舊二十年陳友諒入寇參政
阮德柔擊敗之復加修築明洪武二年指揮沐英又
拓其西南隅改高門仍為寧遠捲秋為政和長橋為
通僊南門為廣德管門為通濟西門為威武其臨江
平政朝天三門仍依舊十九年指揮時禹復增廣之
自威武門抵朝天之北包黃華山于城中增闢二門
曰拱北曰朝陽周二千七十九丈三尺有奇高一丈
九尺為樓二十有四窩鋪七十有六女牆三千一百
三十有八塹壕長五百三十一丈一尺深一丈五尺
濶五丈五尺正北依山西溪濱大溪永樂間以正北
朝陽二門僻寂閉之國朝康熙五年知縣余光魯

章可程二十五年知縣王崇道鄧其文五十年知縣
崔銑各有修建城垣高二丈八尺女牆高六尺城樓
八垛三千八百城內壕水導自黃華泉至
水街頭而分歲久湮塞康熙元年重疏

建陽縣城

閩越王即大潭山築城以拒漢名大潭城山
凹為開福禪寺閩王審知築城於此西北倚

山東南瞰溪元陳友定即故址作四門東曰景陽西
曰景肅南曰景舒北曰駐節明永樂間洪水齧毀僅
存西北二門弘治元年令張津甃以磚石高二丈五
寸周一千一百二十八丈更置永安永寧二門以便
汲嘉靖二十四年知縣余熾於西北二門增高二丈
三十年知縣洪繼科重修扁景陽曰東陽覽勝景肅
曰西陸奇觀景舒曰潭陽保障節曰閩海上游久
之流賊入境知縣鄒可忠鑿西北二河備之萬厯間
知縣魏時應增
築國朝因之

崇安縣城

舊無城明隆慶二年知縣余乾貞始築廣袤千丈有奇高二丈四尺厚半之門四東曰朝

宗西曰慶豐南曰景陽北曰拱極水門四國朝順治五年駐防曹天壽設四門月城十五年知縣韓士

望修葺康熙二年四年相繼重修

浦城縣城

自漢閩越王築城臨浦後廢元至正二十三年守將岳承祖因舊址復築東距越王臺西

包皇華山南瀨大溪北壑深壕廣袤七里闢為四門二十六年明兵下福建先克浦城指揮張某鎮守是

邑以城太寬減東向一半更築之洪武二年罷守禦兵城復廢十二年知縣張宗顏平其故址以廓民居

正統十四年處州賊犯境縣丞何俊築土城為保障成化六年巡撫都御史滕昭以土城不固奏請更築

踰年告成周千八百丈高一丈九尺濶倍之門五東曰金鳳南曰南浦西曰迎遠曰德星北曰拱北各建

樓櫓又附小門五以通水利窩鋪二十
學士錢溥為記 國朝順治四年重修

松溪縣城

舊無城明成化元年知縣徐以貞奉部文經
度三年通判龔球主簿王俊奉檄董築值歲

饑輟工粗立基址而已嘉靖六年坑寇猖獗巡按劉
廷簞檄知縣閔魯崇安丞袁大統理其役周九百五
十五丈高一丈五尺厚一丈門四東曰寅賓西曰迎
恩南曰平政北曰永寧水門二 國朝順治初更闢
二水門十六年知縣伍達康熙二年知縣
董良價二十五年知縣沈煥節次重修

政和縣城

舊無城明弘治元年築後毀於倭萬厯四年
知縣張應圖移置半山之麓周八百四十三

丈高二丈五尺厚一丈敵樓五女牆一千八百有四
門五東曰和陽南曰南薰西南曰順令西曰尚義北
曰合吹水門四 國朝康熙三年知縣馬之芳重修緣溪城堞

邵武府

邵武縣
附郭

府城

郡舊有烏坂城在今城東三里許越王所築也宋太平興國四年置邵武軍治今所乃別築土城於

紫雲溪南西跨熙春山三面臨溪周十里有奇闢門七建炎後兩遭兵燬紹定中守趙以夫倖王埜因舊

高之元初盡隳江南城壁至正十二年盜據其區總管吳阿勒坦布哈復之十九年總管魏劉家奴修築壘

以陶甃自西之南視舊址收八里許東北仍舊為門四東曰行春西曰鎮安南曰武寧後改通泰北曰樵

溪二十四年守常璚更築之基用石上用陶甃明洪武初因舊而修濬焉周一千三百三十八丈八尺高

二丈八尺壕東西南深一丈五尺有奇廣倍之北臨大溪深二丈許廣四十二丈五年指揮蔡王建門樓

四敵樓四十有六九年指揮車濟建城上廊房以間計之凡一千一百一十有二又建窩鋪五十永樂十

四年大水圯其半尋修築成化十二年知府馮孜奏請依宋城舊址更築跨熙春山不特可避水患外寇亦不得據熙春之險以瞰城中不果國朝順治五年山寇竊發增高環城堞口二尺康熙六年又增高三尺造砲臺四十有二十五年燬於寇重建周九里十三步高二丈五尺濶一丈八尺堞口一千有奇敵臺二十有七雍正九年署府王德純重修

光澤縣城

舊有戰城建廢無考宋太平興國四年即其地為縣治城周垣依民居明洪武十九年知

縣林孔孫建門二東曰朝宗西曰宣德嘉靖三十九年知府邵惠久知縣吳國器始築城東南依山西北濱溪周六百四十一丈一尺二寸門四水門亦四國朝順治十二年增四門城樓康熙五年更繕城堞高五尺十年水圯數百丈知縣王吉捐募築造十六年知縣金鳴鳳二十五 year 知縣張彭節次重修

建寧縣城

宋咸淳二年令宋秉孫創築砌以磚石闢門四東曰朝天南曰迎薰西曰慶豐北曰拱辰

皆建樓其上便門二東南曰小南東北曰小北四年圯于水六年秉孫倖本郡以餘鹽錢重修元至正四年復圯于水惟迎薰門尚存明弘治四年循址拓建三面臨溪西依大嶺諸山周七百九十三丈高二丈女牆二千六百四十有奇名門東曰朝陽餘三門仍舊又為水門四正德十二年知縣周必復增高之仍名朝陽曰朝天國朝順治六年又加崇三尺增女牆五百一十垛康熙十年水圯百餘丈知縣陳于達捐募修葺二十二年知縣檀光璜捐募修葺二十二年知縣梁夢劍節次重修

泰寧縣城

舊無城明嘉靖間知府邵惡久知縣熊鶚創建西北依山東南南濱溪周七百九丈高一丈

六尺厚八尺為門四東曰左聖後改長春西曰右義南曰至仁北曰朝京為樓四曰來鳳曰鎮遠曰菽仁

曰青雲國朝順治十二年增高五尺康熙十年圮於水知縣洪濟修築十八年復圮于水知縣王肅重修

汀州府

長汀縣附郭

府城

唐大厯四年刺史陳劍遷築西北負山東瀕河南據山麓大初中創敵樓宋治平三年守劉均拓而

廣之周五里二百五十四步高一丈八尺濬三壕深一丈五尺西引南拔陂水東流以遠之閘門六東曰

濟川西曰秋成南曰頒條曰鄞江東南曰通遠東北曰興賢紹興間賴卒叛守黃武增修隆興元年守吳

南老增建敵樓明洪武四年衛指揮同知王珪塞頌條門改濟川為麗春秋成為通濟通遠為鎮南鄞江

為廣儲興賢為朝天周城包以磚石城北臥龍山巔創總鋪一窩鋪八十一女牆一千一百九十五箭眼

八百一十四弘治間知府吳文度以郡城內大半皆山縣治民居環列城外議自通津門西去數百丈遠迤而南東訖濟川一帶立城圍之以秩滿去嘉靖間知府楊世芳始因前議築土為縣城列七門東曰會川後改挹清南曰五通曰惠吉曰富有曰常豐後改寶珠曰西瑞曰通金周六百一十九丈堞二千一百八十有奇崇禎四年增修縣城自挹清門至通津門俱加崇濶撤郡城鎮南廣儲二門之橫贅縣治者蓋合郡縣為一矣八年增修東西北三面十年築寶珠門月城增擴惠吉門 國朝康熙三十六年知府王廷掄重濬舊壕

寧化縣城

舊城周二百八十步門四東曰連岡西曰通賴南曰遺愛北曰朝宗宗端平間令趙時鎔

累石砌之改連岡為迎春遺愛為端平通賴為通聖朝宗為朝天寶祐二年圯於水開慶元年令林公王

以磚砌北門架木其上使民得避水焉明正統間兩遭沙尤賴寇垣墉剗平正德五年知縣周楹請築土城九年邑民雷文琳等狀言甃甃已久知縣何鑑以聞得請郡丞唐淳與鑑成之周八百一十二丈七尺五寸水門四樓五窩鋪六十北負山三面臨溪常為洪水衝害其後修築不一國朝順治七年重修

清流縣城

宋止有子城周二百丈外為門四東曰迎恩西曰登瀛南曰平波北曰拱辰紹興間縣令

鄭思誠始興版築歲久湮圯明正德四年知縣陳浞運石築造沿河城四百四十四丈寨上城四百二十

餘丈每丈築垛子三為門五南二東西北各一七年署令戴旦䟽通馬道甃砌垛眼以便守禦又增設窩

鋪十有二敵樓一萬厯間知縣蔣育馨增修崇禎間邑人光祿丞英華光捐資修砌馬道龍川縣令伍儀

捐資以鐵裹五門國朝因之

歸化縣城

明正德九年知縣楊縉創建周七百六十餘丈高一丈三尺厚七尺為門四東曰東樂西

曰西清南曰南安北曰北泰南北水關二敵樓三窩鋪二十有四垛眼一千六百有奇嘉靖三十七年增

高五尺三十九年山寇攻圍數旬知縣章宗實築四門月城濬月池以捍之萬歷間知縣陳光耀周憲章

相繼修葺崇禎間增高二尺建東西敵臺

國朝康熙二十年知縣王國脉重修

連城縣城

宋紹興間令邱欽若勦築周一百四十步外有壕池乾道中令楊仲立作三門東曰朝京

西曰騰驤南曰龍川歲久頽圯端平間寇亂令米巨宐復築淳祐間令羅應可重修併作甕城改門朝京

為通京騰驤為秋成龍川為薰風後復廢明正德四年流賊竊發知縣蔣璣築土城捍之周七百餘丈邑

人知府童璽時為郎疏請作堅城焉九年僉事胡璉募富民用磚瓦分城之璽亦捐資為倡十四年僉事

周期雍命縣丞黃鍾壘石為址甃磚為垣高一丈七尺為門四東曰寅賓西曰秩西南曰安阜北曰拱北水門二曰福汲曰清泰嘉靖間建城樓六窩鋪三十崇禎間增高三尺國朝因之

上杭縣城

宋端平元年今趙時鉞創築周一百六十步覆以茅竹轉車激水注為壕池尋燬淳祐間

令趙希詭修築更縮其址而小之復圯於水寶祐間全潘景丑乃址以石甃以磚覆以瓦元至正間顏圯殆盡攝尹鄭從吉拓舊址復築之周五百一十五丈高一丈為門四各建樓其上後亦圯明洪武十八年邑人鍾子仁作亂知縣鄧致中修築甫畢而賊至民賴以全久復圯景泰三年知縣黃希禮復拓舊址更築天順六年溪南關永華亂乃調汀州衛右千戶所官軍捍禦其地成化二年巡按朱賢以城狹不足以居軍檄知縣胡鉞斥而大之繼而巡按涂斐又委成於同知程熙通判吳桓而以邑民唐紀等佐之八年

始訖工周一千四百二十四丈六尺南臨大溪砌以石高三丈有奇東西北並砌以磚高減以南三之一壕廣二丈深半之為門七東曰昭陽西曰通駟南曰通濟北曰迎恩上南曰興文中南曰陽明下南曰太平各建敵樓其上窩鋪三十有三萬厯間知縣李自華修葺崇禎間知縣盧躍龍增城垛五尺東西北三門俱築郭護之國朝康熙初知縣寧維邦蔣廷銓先後重修

武平縣城

宋紹興間使相張浚遣官創築端平間令趙汝誦重修周二里八十步為門三東曰永平

南曰南安西曰人和後廢明弘治間邑人兵部主事王瓊奏拓舊址更築砌以磚周七百六十二丈六尺高二丈有奇垛一千五百三十門四東曰迎春西曰秋成南曰南平北曰北高窩鋪十有六又開水門於東西以洩洪潦崇禎間知縣巢之梁增高三尺國朝順治間知縣朱之胤康熙初知縣劉昉署令趙良

生先後
修葺

永定縣城

自明弘治五年知府吳文度請築城至十年功竣周七百七十六丈五寸基廣二丈有奇

面基三之一南臨田高一丈九尺有奇北倚山高減南十之一內外馬道廣一丈五尺壕二丈餘深半之為門四東曰太平西曰迎恩南曰興化北曰得勝各建敵樓其上窩鋪十有六十七年知縣陳濟以北門岑曠可虞塞之嘉靖間增窩鋪十有一隆慶崇禎間知縣陳翥徐承烈相繼修建國朝因之

福寧府

霞浦縣
附郭

府城

在龍首山下明洪武二年海寇侵境明年海寇復為亂鎮守尉馬都尉王恭檄百戶甯祥先後討平

之又明年始築城周三里高一丈九尺厚一丈東北隅穴水門以洩澗水二十年置衛江夏侯周德興撤

東壁拓廣里許增高三尺周四里垛一千五十有二
窩鋪二十有九永樂五年海寇復熾御史韓瑜都指
揮谷祥命增築四門月城復增高城垣三尺四門各
有樓城內外有走馬路沿城壕塹濶二丈深六尺歲
久四門樓圯成化十七年指揮朱珍重修正德中知
州萬廷彩歐陽嵩先後浚壕嘉靖三十四年知州鍾
一元以郭西民移在城外數被寇復拓城二里三十
六年知州柴應賓依內城造東北敵臺三十七年夏
潦城壞分守顧紳拆卸舊城增高四尺厚三尺明年
倭逼城又值淫潦城工方新崩塌無完堞都司張漢
令軍兵取難木環城立柵結戰棚為守具倭遁去分
巡舒春芳復修築周一千五十八丈高二丈三尺厚
一丈三尺東西南北為門四十四年知州夏汝礪
造敵臺八增高鋪三十隆慶二年分守李純命州同
王守中毀西城舊址葺其土石築東敵臺號泰平臺
知州陸垓建籌邊樓於其上復設東北敵臺并西敵

樓萬歷十三年分巡徐用檢令甌城下用石上用磚
知州祝永壽高汝梅相繼成之國朝順治十八年

分巡周文華總鎮吳萬福重修城壁增高城三尺併
城堞為七百有三窩舖四十有八砲臺二十有九大

城樓角樓各四泰平砲臺東敵臺八角樓水
關樓各一戰樓十有一復浚城壕植柳焉

福安縣城

在辰山下舊未有城惟築土牆立門四東曰
瑞應西曰禮賢南曰秦溪北曰衣錦廣袤各

二里明正德元年始累甃為之周八百九十六丈五
尺高一丈厚如之增小西門嘉靖六年重修以石三

十八年陷於倭知縣盧仲佃力請改築增小北門周
五百六十五丈有奇高一丈五尺厚一丈三尺堞二

百八十有七敵樓二十萬歷九年水夜至全城衝陷
知縣汪美修舊城之南而展其東周八百五十丈有

奇高一丈四尺西築壩城以遏水高一丈八尺二十
一年知縣陸以載改築東仍舊址而增修西壩拓南

城就壕三十年知縣金汝礪復拓東城於山之巔周七百九十七丈門六崇禎十二年知縣章重增修

國朝順治十八年總督李率泰重修康熙五十六年知縣嚴德泳雍正三年知縣傅植五年知縣趙旭昇

先後修葺

寧德縣城

五代唐長興四年偽閩築土城於白鶴山下立四門歲久而圯宋時環以木柵明正德元

年始砌以甃開五門東曰跨龍西曰懋亭南曰清晏北曰朝天增小東門曰登瀛各建樓其上嘉靖四年

陷於倭四十二年知縣林時芳采石重造改門東曰鎮靜西曰崇順南曰永寧北曰遵化塞登瀛門周五

百九十二丈高二丈一尺廣一丈二尺城屋六百九十有九敵臺四十內外馬道環以深壕上通水澗下

接海潮國朝康熙二年知縣張承瑞奉檄重修增高三尺造堞口三百四十葺遊廊六百四十間雍正

九年知縣
費璜重修

壽寧縣城

明弘治三年築東西南北為門四水門二萬
歷間塞北門別開小東門 國朝因之周七

百七十丈高二
丈六尺厚一丈

附
大金所城

明洪武間江夏侯周德興造周五百八十
二丈高二丈二尺濶一丈東西南各闢一

門永樂十五年增高三尺復砌三
門月城沿城壕塹濶一丈深六尺 水溝司城 大貨

雷司城

青灣司城

高羅司城

俱明洪武間江夏
侯周德興築各周

一百六十丈
高一丈五尺

柘洋司城

元末袁天祿築明正統六年
改為巡檢司周二里高一丈

五尺濶
一丈

桐山城

即桐山堡

國朝康熙八年奉文修葺

秦嶺城

二城俱
國朝

康熙五十六年總督覺羅滿保巡撫陳瑑
布政使石沙木哈捐修以上霞浦縣
白石司城

在福安縣北明成化八年參議陳渤
築周二百丈高一丈二尺濶一丈
麻嶺司城在寧德縣

北明宣德間築周一百
六十丈高一丈五尺

臺灣府
臺灣縣
附郭

府城
國朝雍正三年建柵城周二千一百四十七丈
設東西南北大門四東南北小門三各建樓臺其

上窩鋪
十有五

鳳山縣城
國朝康熙六十年始築土城周八百一
十丈高一丈三尺門四外植蒔竹開壕

諸羅縣城
國朝康熙四十三年設木柵周六百八十
丈東西南北凡四門雍正元年知縣孫魯倡

造土城周七百九十五丈四尺基濶二丈四尺城上馬道濶一丈四尺濬溝離城四丈深各一丈濶各三丈水涵六五年知縣劉良璧重建門樓砌水涵扁城門東曰襟山西曰帶海南曰崇陽北曰拱辰

彰化縣城

雍正元年臺灣御史吳達禮以諸羅為臺郡北路袤延千里請於縣北二百八十里半線

城方設立縣治名曰彰化

附

澎湖新城

國朝康熙五十六年總督覺羅滿保巡撫陳璘布政使石沙木哈捐造

永春州

州城

舊無城明嘉靖初汀漳寇至知縣柴鑣始建永輝永豐永薰三門三十九年倭突入縣失守始議築

城委德化令張大綱督之砌以石高丈許四十年賊呂尚四攻陷乃增築周五百十八丈二尺廣八丈高

一丈九尺四十一一年知縣林萬春始成四門城外浚壕周圍如城數西南隅濱溪水漸蓄知縣謝表堯石壩捍其衝又於東南城隅各建敵樓一後令許兼善楊允升各有增築國朝順治四年被山寇剽平署令歐陽思知縣鄭名王共瞻相繼修完

德化縣城

舊無城明嘉靖三十六年知縣鄧景武始築東西二門周八百三十七丈高一丈五尺三

十九年倭大掠知縣張大綱約之為六百六十八丈萬厯元年知縣秦露闢北門知縣何謙就城北之龍潯山建北鎮樓設窩舖十八年知縣丁永作闢南門崇禎間知縣李元龍增高三尺重築北敵樓國朝順治四年山寇破城四門城樓皆燬康熙十五年四月大雨溪漲衝西南門城址屋宇湮塌甚多尋加修葺二十六年知縣范正輅重修

大田縣城

明嘉靖十四年巡按御史白賁疏請立縣次年六月築城依鳳山巔逶迤而下周六百八

十餘丈為門四東賓賓西餞日南太平北拱辰寓鋪十有二國朝因之

龍巖州

州城

初編竹為限後易以土墻宋紹定三年邑令趙性夫作西砦避寇淳祐間令趙崇揆甃以石元至元

間尹黃士龍即砦麓築土城縣治乃在城東寇至輒燬至正四年尹趙昱築城包縣治於是有上下二城

二十一年達魯噶齊索珠律聯築為一鑿壕以護後尹高璉以西逼山拓大之周八百七十二丈高二丈

一尺壕九百五十九丈明洪武八年修濬為門六東曰寅賓西曰西成南曰南門曰南津北曰北門曰北

闕城南開水門各建樓其上正統間沙寇亂官民居皆燼成化八年知縣韋濟伍星奎先後修築周一千

九十二丈高二丈一尺為門五各以其方建敵樓設窩鋪十水門一壕環之改名門東曰賓陽西曰迎薰南曰留暉北曰拱極西北曰永寧嘉靖四十年復增高城垣五尺鑿壕廣一大五尺增敵樓四十有一建宸高亭於西北隅其後數被水患修築不一國朝順治十四年知縣王有容重建南門更名文明康熙二十年知縣左峴增修東門城樓五十二年大水南北西門城垣皆圯知縣陳人文重修雍正九年知縣萬物睹重葺

漳平縣城

舊無城明弘治辛亥賊溫文進亂始立木柵為守後廢正德四年重立九年知縣徐鳳岐

砌以石磚周六百二十餘丈高一丈八尺為門四東曰迎恩西曰偃武南曰朝陽北曰拱辰門上各築城樓為水門三窩鋪九東西疏渠南北臨溪積久傾圯嘉靖中節次修築國朝康熙六年知縣鄭琬增建

窩鋪十九年大水四隅雉堞頽塌知縣查繼紀重修

寧洋縣城

明隆慶元年創築高一丈八尺厚一丈五尺周四百八十丈甃以磚石上為女牆門四東

曰翔鳳西曰登雲南曰瑞麟北曰佩玉各有敵樓東門有濬溝西南北以溪為池萬歷元年增設窩鋪四

六年清北城濠達於大溪十四年更城門額東曰瑞應西曰文明南曰清波北曰翔鳳國朝順治十一

年東南二門燬十三年知縣蕭蕭亮重建並架敵樓窩鋪康熙二十三年知縣李文然重修二十八年知縣

沈奎增修復開舊塞北門改名振玉城稱完固

福建通志卷六